

A I R E A M H.

a'm' chòmhnuidh am meadhon chloinn Israeil.

C A I B. XXXVI.

A G U S thàinig prìomh aithreacha theaghlaiche chloinn Ghilead, mhic Mhachir, mhic Mhanasch, do theaghlaichibh mhac Ioseiph, am fagus, agus labhair iad 'an làthair Mhaois, agus 'an làthair nan ceannard, *eadhon* prìomh aithreacha chloinn Israeil :

2 Agus thubhairt iad, Dh'àithn an Tighearna dom' thighearn am fearann a thoirt mar oighreachd le crannchur do chloinn Israeil, agus dh'àithneadh dom' thighearna leis an Tighearn, oighreachd ar bràthar Shelophehaid a thoirt d'a nigheanaibh.

3 Agus ma phòsadh iad re h-aon do mhic nan treubh *eile* do chloinn Israeil, 'an sin bheirear an oighreachd-fan o oighreachd ar n-aithreacha, agus cuirear i re oighreachd na tréibh d'an gabhar iad: mar sin bheirear i o chrannchur ar n-oighreachd-ne.

4 Agus an uair a bhios an iubile^a ann do chloinn Israeil, 'an sin cuirear an oighreachd re oighreachd na tréibh gus an do ghabhadh iad: mar sin bheirear an oighreachd-fan air falbh o oighreachd thréibh ar n-aithreacha.

5 Agus dh'àithn Maois do chloinn Israeil, a réir focail an Tighearna, ag ràdh, Is ceart a labhair treubh mhac Ioseiph.

6 Is e fo an nì a dh'àithn an

Tighearna thaobh nigheana Shelophehaid, ag ràdh, Pòsadh iad an neach a's àill leo; a mhàin re teaghlach thréibh an aithreacha pòsadh iad.

7 Mar sin cha'n atharraich oighreachd chloinn Israeil o thréibh gu tréibh: oir dlùth-leanaidh gach duine do chloinn Israeil re oighreachd tréibh aithreacha.

8 Agus bithidh gach nighean a shealbhaicheas oighreachd ann an tréibh sam bith do chloinn Israeil, 'na mnaoi aig aon do theaghlach tréibh a h-athar, a chum gu meal clann Israeil gach duine dhiubh oighreachd aithreacha.

9 Nì mò dh'atharraicheas an oighreachd o *aon* tréibh gu tréibh eile; ach dlùth-leanaidh gach duine do theubhaibh chloinn Israeil r'a oighreachd fèin.

10 Eadhon mar a dh'àithn an Tighearna do Mhaois, mar sin rinn nigheana Shelophehaid:

11 Oir phòsadh Mahlah, Tirsah, agus Hoglah, agus Milcah, agus Noha, nigheana Shelophehaid, re mic bhràthar an athar.

12 Phòsadh iad *re fìr* do theaghlaichibh mhac Mhanasch mhic Ioseiph, agus dh'fhan an oighreachd ann an treubh teaghlaich an athar.

13 Is iad sin na h-aitheantan, agus na breitheanais, a dh'àithn an Tighearna le làimh Mhaois, do chloinn Israeil ann an còmh-nardaibh Mhoais, làimh re Iordan *am fagus do Iericho*.

D E U T E R O N O M I.